

## **Kayëte tarëna mba San Wade yehëhna hnë inji kayëte**

Ale herëk inji kayëte ña wacik umë dënk «Acër». Rac rufahnëf avë haryënkw nken-tiko hnë sery sali hna. Gayiyus kerëhnëf. Hnë kayëte tac, nude gante nke uryema do kaca nte pehnahnini vëyëntaŵ va, cedeyahnëf injahn ña do g'ikahnënda soje toña ÿa. Kerëk pañare: icëkwary Gayiyus soje yaŵëna ntëwu ña do gë wadoku wante ntinëhnëfëhëhni vële hwëtahnëka Yesu va; nkeya meh Diyotëref ña; gë njasa përen Demetëriwus.

Wëlin wanës wakwëhn nafa hn'inji kayëte: toña, kayëte, aÿahnik, cery sali, kaca.

<sup>1</sup> Ami, acër avë cery sali ÿa, kerëhëryidëmi wëjë aÿahnik mën Gayiyus, wëjë ale ÿahnëbu wapacëk. <sup>2</sup> Aÿahnik mën, arabi Wënu ña njëdi urisah hnë ile-wo-le hna do ahwëhna mbahn kendeñ, gante nke intawary hu ki. <sup>3</sup> Natëko ðus ante tëkiniho vëyënta fu hn'ikwëtahn hna do nësëni soje toña le ye hnë wëjë hna, do gante njasëdu hnë toña ka. <sup>4</sup> Uhnatah mën sankaf ŵa umë ye, wëryawu vërah mën va hnë toña hna njasëdëni.

<sup>5</sup> Aÿahnik mën, g'ikahnënda ntinëhnëfëhëhni vële hwëtahnëk va fop, lakënde ntehni vëhneh ye. <sup>6</sup> Nësëni soje ipërëna hu ña hnë cery sali hna. Age kokëndu aryemahni hnë uyas

lëw hni hna, uryema nte hnëñedëha Wënu ña ye. <sup>7</sup> Soñe uwac Ahwëhn njasëdëni, hara ñoñ vëhnuÿana hnë vële wok vëhwëtahnëna. <sup>8</sup> Awa, fuhnë tëfëkëfu ndemaÿënëhni iÿi sifa vahnë, nkehahnin gë vëhni vëryokuñëhn toña.

### *Diyotëref gë Demetëriwus*

<sup>9</sup> Kerëhnëbuhëhni vëvë cery sali va; bare Diyotëref, ale nëñahnëk ge haryënkwa maÿëna ntënëñëfu. <sup>10</sup> Soñe rac, ge njiryibu pëyahnëdëfu wameh wante ntid ña, wanës wanënkwah wante nësëd soñe lëw fu ña. Do watac gelahna gwër! Nwëÿëd kacadilëhnhna vële hwëtahnëk vëÿëntaÿ va do vële ÿad kacanihëhni va, memaÿendëhëhni do ntaðëhëhni hnë cery sali hna.

<sup>11</sup> Aÿahnik mën, antë arëfëtalahnü iÿëh bare ile yivëk. Ale lid ufërën a ahnë arac Wënu ña hwëhnëka; ale lid wameh ña ahnë arac yëtëlahna Wënu ña. <sup>12</sup> Vahnë va fop wapërën tëfëtaðëni soñe Demetëriwus ÿa, toña ÿa dënk soñe lëwu ÿa cedeyahnëd. Fuhnë fëna, waseðe walëwu yeyinëk, do njëtëru ucedeya ntëw fu ña toña ye. <sup>13</sup> Kwëhnabu yabah ile rëfëka hnësëhni, bare ñaða liwu fop hnë kayëte.

### *Watëkwa*

<sup>14</sup> Ñaðëfu yiryiwu wafac wï, do nësëlëde fuhnë vëhi. <sup>15</sup> Arabi yam ÿa nke gë wëjë. Wëlawo ÿa fop nkaÿëryidënihi. Gaÿëryihni wëlawo ÿa, alewo-le g'uÿac lëwu ÿa.

**Vikerëh Vikasëk Wën gë Wapëgwala  
Wamey: Vikerëh Vikasëk Wën gë Wapëgwala (New  
Testament+)**

copyright © 2018 Wycliffe Bible Translators, Inc.

Language: (Wamey)

Contributor: Wycliffe Bible Translators, Inc.

All rights reserved.

2020-12-01

---

PDF generated using Haiola and XeLaTeX on 21 Feb 2024 from source  
files dated 29 Jan 2022  
f961026b-f72f-5bd7-9f75-efa7f932577e